

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Menippus sive dialogorum satyricorum centuria inanitatum nostrativum speculum**

**Andreä, Johann Valentin**

**Cosmopoli [i.e. Straßburg], 1618**

84. Scriptores

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

hi boves præ multis hominibus, quibus vanissimorum laborum perennitas facile imponitur, quæque ad mortem usque levicula persuasione deducuntur: itaque hæc regula erit, solum Christianum ratione sua & hoc tempore bene uti, reliquos bestiis vel deteriores, vel miseriore esse.

## 84. SCRIPTORES.

*A.* Scribe, si quid scribis. *B.* Nescio quam calamus mihi stupeat. *A.* Tibi uni scilicet, hoc scripturiente seculo, quo eunuchi gignunt, steriles pariunt. *B.* Eo magis ungues rodendi sunt, ne quid prædeat monstruosum, & Spartâ relegandum. *A.* Hæc unica cautio est, nihil serui scribas; id enim huic ætati tum suspectum est, tum inuisum, vel sanè ridiculum, nec quisquam hodie facilius fanatici nomen obtinet, quàm si animæ in hoc vitæ breviario consulere, Christi conversationem amplecti, mundum planissimè negligere. eique adversum ire suadeat. *B.* Nescio, quæ scrius sim, certe mihi interdum ipsi risum moveo, quam vis amarum: at quid aliis videatur hæud parum refert. *A.* De candidis liberalibus, eruditis prudentibus, jubeo securum esse, quos eiusmodi sales nunquam offendunt, potius accuunt & stimulant, sed de anathematissis, offariis, mulionibus, alphabetariis, vermiculatis, balneatoribus nihil habeo quod spondeam. *B.* Hi opinor non legent, aut non intelligent. *A.* At araneæ facilimum est è flore venenum sugere. *B.* Sed æquè facile api mella facere, me tamen tria valde

valde remorantur. *A.* Dissolvetur, si sciverimus. *B.* Vnum est, quod Meccenatem non habeo, cui ego dem chartas, ille mihi aurum, quod video solenne esse; dedicare enim aucupari est, aut piscari nummos elogiorum illicio. *A.* Itane nemo est qui delectetur ludicris? *B.* Nemo qui non donata, quàm empra malit. Alterum vero peius habet. *A.* Quod illud? *B.* Quod Bibliotheca mihi non est, unde tot autorum testimonia colligam, quæ justum catalogum conficiant, libello magna eruditionis confidentia præfigendum. *A.* Miseret me tui. *B.* Tertium planè decori mihi est. *A.* Exesto. *B.* Nemo mihi est, qui Anagrammaticum carmen addat in auctoris & libri laudem, quod alibi numerosissimè fit, & elegantissimè. *A.* Nec aliud te cruciat? *B.* Nihil durius. *A.* Salyus es: nam hæc nos amovebimus. Primum quia patronus nullus est, tu tibi monarcham aliquem elige, veluti pretiosum Iohannem, aut magnum Cham cui inscribas librū, & dedices multis rationibus, ac nescio cuius elementiz impetu impulsus, cum Africana aut Asiatica peregrinatione illis innotueris: Id cuius tibi autoritatis futurum sit nescire non potes, è qua lucellum paulatim exerescet. Pro secundo, Quære aliunde autorum catalogum, qui ab *A.* incipiat, puta Aristoteles aut Averroes, & pergat per omnes literas, usque in Zoilus & Zeuxis: eum audacter libro tuo inscrito, credibile enim est, aliqua vocabula tua etiam apud illos reperitum iri: etiam id libro inopinatam addet autoritatem. Tertium plane in tua manu est præter-

quam enim quod facile conueniuntur Poetae, liberum tibi est sponte carmina fingere, & abundanter librum librificem que laudare, suppositis ad libitum celeberrimis aut pomposissimis nominibus. *B.* Vah! quid vetat dicere inter literatos esse impostores, non impudentes tantum, sed turpissimos?

## 85. A P O L O G V S.

*A.* Ad te ibam. *B.* Laudo, sed quid fers? *A.* Figuram mysticam. *B.* Ad Cunradum eundem erat, qui talibus orbem fascinavit. *A.* Atqui aut te quoque aliquid tale fuxisse alicubi. *B.* Ha ha he, quam liberalis est credulitas! sed quid tandem geris? *A.* En imagines meo iudicio mere hieroglyphicas. *B.* Nihil eas contulisti cum Ioachimicis, aut Paracelsicis, aut Liechtenbergicis, aut Brigitinis, aut Bibliandricis, aut Argentinensibus, quibus Wolfius noster plenus est? *A.* Feci, at frustra, nam nihil respondent. *B.* Vah! quam tu simplex es. Nescis hoc quidquid est, Apologum representare. *A.* Apologum ais? sed quem Aesopus nullus, aut Ochinus vel Calcagninus confinxit. *B.* Ego certe memini alicubi legisse. *A.* Recita sodes, & facem huic figuræ infer. *B.* Ludicrum est: Egrotabat quondam aquila sive senio sive ingluvie lippiens, inquisitus medicus eoryus, qui Panacem iactabat, facile comparuit, & praescripta diæta paleis aquilam diu pavit, pennis sed interim quasi ita conueniret haud paucas